

## G J A L D S K R Á

### fyrir Rafveitu Keflavíkur.

#### I. RAFORKA

Rafveita Keflavíkur selur raforku á þann hátt og við því verði, sem hér segir:

##### A. Lýsing.

1. Um kwst.mæli á kr. 1.35 hver kwst.
2. Um kwst.mæli á 50 aura hver kwst., auk fastagjalds, er nemi kr. 6.00 á ári af hverjum fermetra gólfflatar í rúmi því, er lýsa skal. Fullt fermetragjald skal greiða af gólfleti í búðum, vinnustofum og skrifstofum, en fyrir geymslur og ganga skal greiða kr. 2.00 á ári af fermetra.

##### B. Almenn heimilisnotkun.

Um kwst.mæli á 30 aura hver kwst. Auk þess skal greiða fastagjald, kr. 3.00 á mánuði af hverju herbergi íbúðarinnar.

Í útreikningi á fjölda herbergja skal telja öll herbergi, sem eru ætluð til íbúðar, og eldhús. Herbergi, sem er minna en 5 m<sup>2</sup>, skal telja sem hálf, en stærra en 25 m<sup>2</sup> sem tvö.

Þar, sem meðalstærð herbergja í íbúð er undir 10 m<sup>2</sup>, má miða við samanlagt flatarmál þeirra, þannig, að hverjir 10 m<sup>2</sup> jafngildi einu herbergi og 5 m<sup>2</sup> hálfu herbergi.

##### C. Vélnotkun.

1. Um kwst.mæli á 75 aura hver kwst. Hafi vélarnar mjög stuttan notkunartíma á ári, má krefjast minnsta árgjalds, frá kr. 150.00 til kr. 175.00 á hvert uppsett kw. vélanna.
2. Til fiskiðnaðar með fasttengdum vélum 30 aura hver kwst.
3. Ef uppsett rafvélaafl fastra véla við fiskiðnað, kjöt- eða mjólkuriðnað er yfir 20 kw. um kwst.mæli:  
Á 22 aura kwst., enda megi þá rjúfa strauminn í allt að 3 klst. á dag, á tímum mesta álags rafveitunnar um hádegið og síðdegis, en þó eigi lengur en 1½ klst. í senn.
4. Um mæli á kr. 400.00 fyrir hvert kw. mesta notaðs afls á árinu, og auk þess 10 aura á notaða kwst.
5. Um mæli á kr. 250.00 fyrir hvert uppsett kw. vélanna, og auk þess 10 aura á notaða kwst.

##### D. Hitun.

1. Um kwst.mæli á 15 aura hver kwst., enda megi þá rjúfa strauminn í allt að 3 klst. á dag á tímum mesta álags rafveitunnar um hádegið og síðdegis, en þó eigi lengur en 1½ klst. í senn.
2. Um kwst.mæli á 6 aura hver kwst. í 9 klst. á tímanum frá kl. 22 til 9.

*Önnur skilyrði fyrir raforkusölu til hitunar.*

- a. Að vélaafl, línur og spennar þoli álagið að dómi rafveitustjóra.
- b. Að notandi setji klukkurofa fyrir hitalögnina og kosti viðhald þeirra. Þó getur rafveitustjóri ákveðið, að rafveitan leggi til rofa og annast viðhald þeirra, og

kostar þá notandinn tengingu þeirra og greiðir leigu af þeim, samkvæmt reglum, er gilda um leigu mæla.

- c. Að hitalagnir, þar með talin öll tæki, séu gerð samkvæmt fyrirætlum rafveitunnar, ofnar fasttengdir með sérstökum rofum, og hitastillar notaðir.

231

4. nóv.

### E. Önnur raforkusala.

1. Raforku til suðu má selja til gisti- og veitingahúsa, sjúkrahúsa og annarra slíkra staða á 35 auru hver kwst., enda sé notkunin mæld um sérmæli, og suðutækin fastlengd.
2. Til nota um vinnulagnir við byggingar, meðan á byggingu stendur, um kwst.mæli á 75 auru hver kwst.
3. Til bökunarofna í brauðgerðarhúsum um kwst.mæli á 15 auru hver kwst., ef straumurinn er rofinn frá kl. 8.30 til 22, eða um tvígjaldsmæli á 15 auru hver kwst. á tímanum frá kl. 22 til 8.30, á 75 auru hver kwst. frá kl. 8.30 til 22.
4. Til götu og hafnarlýsingar á 40 auru hver kwst.

Alla raforkunotkun, sem ótalin er, og ekki kemst undir aðra liði þessarar gjaldskrár, skal selja eftir gjaldskrárlið A 1. Þegar sérstaklega stendur á, má rafveitustjóri þó, að tilskildu samþykki rafveitustjórnar, selja raforku eftir sérstökum samningi í hvert skipti, en eigi lengur en til eins árs í senn.

## II. MÆLALEIGA

Rafveitustjóri ákveður stærð og gerð mælitækja, sem nota skal fyrir hverri veitu, og er sú ákvörðun skuldbindandi fyrir notandann, sem skal greiða leigu af mælitækjum sem hér segir:

1. Af einfasa mælum upp að 30 amp. .... kr. 2.00 á mánuði.
2. — þrífasa mælum 50 amp. og minni ..... — 3.00 — —
3. — þrífasa mælum 50 til 200 amp. .... — 7.00 — —
4. — þrífasa mælum yfir 200 amp. .... — 10.00 — —

Af öðrum mælitækjum en þeim, sem nefnd eru í gjaldskránni, skal ársleigan vera sem næst 20% af verði mælitækisins. Leigan skal innheimt um leið og gjald fyrir raforku.

## III. HEIMTAUGAGJÖLD

Af hverri húsveitu, sem tengd er við rafveituna, skal greiða heimtaugargjald, sem miðast við brunabótamat á húsum og mannvirkjum, á þann hátt, sem hér segir:

<i>Brunabótamat:</i>		<i>Jarðlína:</i>	<i>Loftlína:</i>
Frá kr.	0—10 000.00	kr. 380.00	kr. 210.00
— —	10 000—15 000.00	— 510.00	— 280.00
— —	15 000—20 000.00	— 600.00	— 360.00
— —	20 000—25 000.00	— 700.00	— 450.00
— —	25 000—30 000.00	— 780.00	— 530.00
— —	30 000—40 000.00	— 880.00	— 600.00
— —	40 000—50 000.00	— 980.00	— 640.00
— —	50 000—60 000.00	— 1060.00	— 680.00
— —	60 000—70 000.00	— 1100.00	— 700.00
— —	70 000—80 000.00	— 1140.00	— 730.00
— —	80 000—90 000.00	— 1170.00	— 760.00
— —	90 000 og yfir	— 1200.00	— 800.00

- 231** Greiði húseigandi áætlaðan helming heimtaugargjalds um leið og heimtaugar-  
4. nóv. uppsetningu er lokið, er heimilt að veita honum gjaldfrest í allt að 12 mánuðum á eftirstöðvunum. Heimtaugargjald fellur í gjalddaga þegar brunabótamat hússins hefur farið fram.

Sé lengd jarðlínuheimtaugar meiri en 15 metrar, og loftlínuheimtaugar meiri en 40 metrar, og/eða gildleiki víra meiri en  $3 \times 70 \text{ mm}^2$ , skal húseigandi greiða kostnað af því sem fram yfir er. Ef lagðar eru fleiri en ein heimtaug að húsinu, skal greiða allan kostnað við síðari heimtaug eftir reikningi.

#### IV. OPNUNARGJALD

1. Hafi gjald samkvæmt gjaldskrá þessari eigi verið greitt, svo að til lokunar hafi komið fyrir veitu, skal taka gjald fyrir enduropnun, 20 krónur.
2. Ef fundin eru óleyfileg eða of stór vör við skoðun, skal veitunni lokað tafarlaust, og verður hún ekki enduropnuð, fyrr en notandinn hefur greitt 20 krónu gjald á skrifstofu rafveitunnar.

#### V. HEIMILD TIL HÆKKUNAR

Bæjarstjórn er heimilt að hækka eða lækka gjöld, sem ákveðin eru í gjaldskrá þessari, um allt að 10%, án sérstakrar staðfestingar ráðuneytisins, enda auglýsi bæjarstjórn breytinguna í Lögbirtingablaðinu, áður en til hennar kemur.

Gjaldskrá þessi, sem bæjarstjórn Keflavíkur hefur samið og samþykkt, staðfestist hér með samkvæmt vatnalögum, nr. 15 20. júní 1923, og raforkulögum, nr. 12 2. apríl 1946, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt er úr gildi numin gjaldskrá fyrir Rafveitu Keflavíkur, nr. 6 18. jan. 1949.

*Atvinnumálaráðuneytið, 4. nóvember 1950.*

**Hermann Jónasson.**

*Dorv. K. Þorsteinsson.*

- 232** Staðfesting forsetans á skipulagsskrá fyrir „Menningarsjóð Þjóðleikhússins“,  
7. nóv. útgefin á venjulegan hátt að mandatum af dómsmálaráðherra 7. nóv. 1950.  
Skipulagsskráin er þannig:

### SKIPULAGSSKRÁ

fyrir Menningarsjóð Þjóðleikhússins.

#### 1. gr.

Sjóðurinn er stofnaður á vígsludegi Þjóðleikhússins með 2000.00 króna framlagi frá Þjóðleikhússtjóra.

#### 2. gr.

Sjóðurinn tekur við gjöfum og áheitum. Eigi má veita styrki úr honum fyrr en hann er orðinn 40000.00 krónur, og þá aldrei meira en nemur  $\frac{3}{4}$  ársvaxta höfuðstólsins. Fé sjóðsins skal varðveita í ríkistryggðum verðbréfum eða á annan jafntryggan hátt, að dómi sjóðsstjórnar.